



## Zer diote hormek Euskal Herriko unibertsitateetan?

**E**uskal Herriko unibertsitateak gizartearen ispilu dira. Gizartean agertzen diren joera berberak jasotzen dira haietan ere, eta zer esanik ez joera horiek neurtzeko era bat fakultatez fakultate joan eta horiei erreparatzea dela, zer dagoen ikusteko. Denetarik dago: kartelik gabeko horma isilak, eta baita kartelez gainezka dauden hormak ere. Gainera, pentsamendu aniztasun eta ideia zein informazio askatasunerako leku gisa azaltzen den arren, zentsura gaur gaurko gaia da oraingoz unibertsitatean.

Iñaki Petxarroman / Donostia


EHUko Sarriko Fakultatean Julio Grafe dekanok eduki politikoa duten kartelak hormetatik kentzeko agintzen duela salatu du azken asteotan Gonzalo Fernandez Ortiz de Zarete, IUKo EHUko Gazteria Saileko koordinatzaileak. Hala ere, Gonzalo Fernandezek EGUNKARIARI adierazi dionez, «ez dut uste egoera hau EHU osoan gertatzen denik, baizik eta Sarriko baka-rik. Guk bakarrik Sarriko izan ditugu arazoak».

Sarriko festak iragartzen duten kartelak ikus daitezkeela adierazi du Gonzalo Fernan-

dek, eta baita eski iragarkiak. Ayisec bertako enpresario gazteen erakundearen iragarkiak eta gauzak saldu eta erosteko kartel informatiboak ere. Kartel politikoak zentsuratu ohi dituztela dio IUKo kideak. Julio Grafe kartelak kentzeko jartzen duen aitzakia, fakultatez kanpoko erakunde batek jartzen dituela da, baina Gonzalo Fernandezek dio kanpoko talde askok jartzen dituztela kartelak Sarriko, baldin eta politikoak ez badira. Ezker Batuko kideak agertu duenez, zenbait ekintza egitea pentsatu dute, jendea arazoaz jabe dadin, «bestela, kartela kentzen dizute eta inor ez da enteratzen». Horregatik, Sarriko pankartekin joateko asmoa dute eta bertan entzerratu. Zentsura kasuak Euskal Herriko unibertsitateetan

Honelako kasuak, hala ere ez dira Sarriko bakarrik gertatzen, Donostiako Filosofia eta Filologiako Fakultatean ere, adibidez, zentsura eguneroko gauza dela adierazi dio EGUNKARIARI Igor izeneko bertako ikasle batek. «Bai, Zorroagatik Ibaetara aldatu zenetik, fakultatearen irudia erabat aldatu nahi izan du Maite Rekartek zuzentzen duen dekanotzak, eta asko zaintzen dituzte gauza horiek. Horregatik daude hormak hain garbi». Irakasle falta eta masifikazioko arazoak dituzte Filosofia eta Psikologiako Fakultatean. Arazoaren berri ematen duen kartelik ordea ez da batere hormetan. Ehun metrora dagoen Informatikako Fakultatean Zorroagako arazoa azaltzen duten kartelak aurki daitezke.

Leioako kanpusean, Presoen Aldeko Batzordeek taldeak urtero ikasturtearen amaieran kanpus horretan matrikulatuta dauden preso guztien argazkiak jarri ohi dituzte kafetegi handiaren ondoan. Proteksako zinpeko goardiek, Leioara iritsi zirenetik, presoen argazkiak kendu egiten dituzte jarri bezain laster. Egun, argazkiak izaten ziren lekuan honako pintada hau dago: Pro-



Gizarte Zientzietako fakultatearen atarian kartel ugari izaten da normalean.

XOUSE SIMAL

### Unibertsitateko agenda

#### Jardunaldiak

##### UEUren Donostiako IX. jardunaldiak:

Jardunaldiok aste honetan izango dira Gipuzkoako hiriburuko Dr. Camino Liburutegiko Serapio Mujika aretoan, egunero arratsaldeko 19.30etatik aurrera. Honen barruan zenbait hitzaldi izango dira:

- ✱ **Azaroak 8, asteazkena:** 'Lau Haizeta parkea' izeneko hitzaldia emango du Maider Etxaide biologo eta Donostiako Haizea ikerketa eta dokumentazio zentroko partaideak.
- ✱ **Azaroak 9, osteguna:** 'Internet-en etorria: zer dugu aurrean' izenburuko hitzaldia eskainiko du Pepe Rivadeneyra Informatikan lizentziatuak.
- ✱ **Azaroak 10, ostirala:** 'Euskal Herriko biztanleriaren bilakaera azken urteetan' hitzaldia emango du Sabin Oregi komunikologoak.

#### Antzerkia

- ✱ **Azaroak 8, asteazkena:** Tanttaka antzerki taldeak

'Denok errudun' antzezlan eskainiko du gaur saio bikoitzean Bizkaiko Irakasletzaren Unibertsitate Eskolan. Goizean 12.30etan eta arratsaldean 18.00etan.

#### Kontzertuak

- ✱ **Azaroak 9, osteguna:** 'Ohiko euskal kantak' hitzaldi eta kantu saioa eskainiko dute Nereak eta Mikelek Bizkaiko Irakasletzaren Unibertsitate Eskolan, goizeko 12.30etan eta arratsaldeko 18.00etan.
- ✱ **Azaroak 14, asteartea:** Santa Cecilia ganbara orkestraren emanaldia arratsaldeko 19.30etan MUBI paranifoa Bilboko Elkano, 19.

#### lehiaketak

- ✱ **Madrilgo Unibertsitate Complutenseko Zuzenbide Fakultateak** 'Joven y brillante' programaren barruan, eleberri laburren lehiaketa antolatu du. Espainiako edozein unibertsitarik har lezake parte. Lanek ez dute 70 orri baino gutxiago ezta 120 baino gehiago izan behar. Sariak: 500.000

pezeta lehen sariarentzat; 300.000 pezeta bigarren sariarentzat. Obrak entregatzeko epea 1996ko otsailaren 1ean bukatuko da. Informazio gehiago (91)5643027 telefonon.

#### Bekak

- ✱ **Nafarroako Gobernuak** atzerrian arkitektura eta ingeniartza ikasi nahi duten ikasleentzat laguntzak aurrikusi ditu. Laguntzak 25.000 pezetakoak izan daitezke hilero. Informazio gehiago nahi izanez gero, Hezkuntza eta Kultura Departamenduko Ikerketa eta Ikasketa Unibertsitarioetako Zerbitzura jo. Iruñeko Santo Domingo kalean, zenbakirik gabe. Telefonoa: 106585. Laguntzak eskatzeko epea azaroaren 15ean bukatuko da.

#### Trukean

- ✱ Bi ordenadore pantaila oparitzen ditugu. Ez dabilta oso ondo, baina dohainik dira. (943)276985 telefonora deitu eta Luis edo Pelloarengatik galdetu.